


বুজাঙ্গনা কাব্য ।

৩ মাইকেল মধুসূদন দত্ত

প্রণীত ।

ষষ্ঠ সংস্করণ ।




গোপীভূষণ বিহারী —
উল্লেখ

পদাক্রমিত ।

কলিকাতা ।

শ্রী অরুণোদয় ঘোষদ্বারা অপরিচিৎ পুরদোস্ত শোভাবাজারস্থ
২৮৫ সংখ্যক ভবনে বিদ্যারত্ন যন্ত্রে
মুদ্রিত ।

১২৮৭



বুজাঙ্গনা কাব্য ।

প্রথম সর্গ

। বিরহ ।

১

(বংশীধ্বনি ।)

নাটিছে কদম্বশূন্যে, বাজায় মুরলী, বে,
রাধিকা রমণ !

চল, লখি, তুরা করি, দেখিগে প্রাণের হরি,
ব্রজের রতন !

চাতকী আমি স্বজনি, গুনি জনধর-ধ্বনি,
কেমনে ধৈর্য ধরি থাকিলো এখন্ ?

যাক্ মান, যাক্ কুল, মন ভরী পাবে কুল ;
চল, ভাসি প্রেমনীরে, ভেবে ও চরণ ! (১)

মানস-সরসে, লখি, ভাসিছে মরাল, বে,
কমল কাননে !

কমলিনী কোন্ ছলে, থাকিবে ডুবিয়া জনে,
বঞ্চিয়া রমণে ?

যে যাহারে ভাল বাসে, সে যাইবে তার পাশে—
মদন রাজার বিধি লঙ্ঘিব কেমনে ?

যদি অবহেলা করি, কবিবে শব্দর জন্ম :
কে মধুরে মধুর-শব্দে এ তিন ভুবনে ? (২)

ওই শুন, পুনঃ বাজে নজরীয়া মন, রে,
মুরারির বাণী !

স্বপ্ন মলয় আনে ও নিনাদ মোর কানে—
আগি স্থান-দাসী ।

অলস গরজে যবে, ময়ূরী নাচে সে রবে :—

আগি কেন না কাটিব শরমের ফাঁসি ?

সৌদামিনী ঘন মনে, ভ্রমে সদানন্দ মনে ;—

রাধিকা কেন ভ্রাজ্জবে রাধিকাবিলাসী ? (৩)

কুটিছে কুমুমকুল মঞ্জুকুল বনে, রে,
যথা গুণমণি !

ছেরি মোর স্থানচাঁদে, কিসে ফুল ফাঁদে,
পাতিছে ধরণী !

কি লজ্জা ! হা শিক্ হারে, ছয় ঋতু বনে থাকে,
আমার চোখের ধনে লোভে সে রমণী ?

চল, নখি, শোষে বাই, পাছে মাপবে হারাই,—

নগিহারা কণিনী কি বাঁচে লো নরকনি ? (৪)

সাগর উচ্চশে নদী ভ্রমে দেশে দেশে, রে,
অবিরাম গতি :—

সগনে উদিলে শশী, হাসি যেন পড়ে খসি,
নিশি কপকভী ;

আনার প্রেম-সাগর, ছুড়ারে মোর নাগর,
ভারে ছেড়ে রাখ আশি ? থিক্ এ কুমতি !

আমার স্বধাংশু নিধি—দিয়াছে আনায় বিধি—

বিরহ জাঁপারে আগি ? থিক্ এ যুকতি ! (৫)

নাচিছে কদম্ব মূলে, বাজারে মুরলী, রে,
রাধিকা রমণ !

চল, নখি, তুরা করি, দেখিগে প্রাণের হরি,
গোহুল রতন !

মধু কহে ব্রজাঙ্গনে, অরি ও রাধা চরণে,
 ষাও যথা ডাকে তোমা ক্রীমধুহৃদন !
 যৌবন মধুর কাল, আশু বিনাশিবে কাল,
 কালে পিও প্রেমমধু করিয়া যতন । (৬)

২

জলধর :

চেয়ে দেখ, প্রিয়সখি, কি শোভা গগনে !
 স্নগন্ধ-বহ-বাহন, সৌদামিনী সহ ঘন
 অমিত্তেছে মন্দগতি প্রেমানন্দ মনে !
 ইন্দ্রচাপ কপ ধরি, মেঘরাজ ধ্বজোপরি,
 কামকেতু—খচিত রতনে ! (১)

লাজে বুঝি গ্রহরাজ স্নুতিছে নয়ন !
 মদন উৎসবে এবে, মাতি ঘনপতি সেবে,
 রতিপতি সহ রতি ভুবনমোহন !
 চপলা চঞ্চলা হয়ে, হাসি প্রাণনাথে হয়ে,
 তুষিছে ভাসাব দিবে ঘন আনন্দন ! (২)

নাচিছে নিখিনী স্নেহে কেকারব কারি
 হেরি ব্রজকুঞ্জ বনে, রাবা রাধাপ্রাণধরে,
 নাচিত যেমতি যত গোকুল স্কন্দরী !
 উড়িতেছে চাতকিনী শূল্যপাণে বিহারিণী
 জয়ধ্বনি করি ধনী—কন্দ কিকুরী ! (৩)

হারেরে কোণার জালি স্ত্যাম জলধর ।
 হন প্রিয় সৌদামিনী, কঁাদে রাব এককিনী,
 নাগানের সুলিলে কি হে রাবামনোহর ?

রত্নচূড়া শিরে পরি, এস বিশ্ব আলো করি,
কনক উদয়াচলে যথা দিনকর ! (৪)

তব অপকৃপ কৃপ হেরি, গুণমণি,
অভিমাণে যনেশ্বর যাবে কাঁদি দেশান্তর,
আখণ্ডল ধনু লাঞ্জে পালাবে অমনি ;
দিনমণি পুনঃ আসি উদ্বিবে আকাশে হাসি ;
রাধিকার স্মৃথে স্মৃখী হইবে ধরণী ; (৫)

নাচিবে গোকুল নারী, যথা কমলিনী
নাচে মলয়-হিল্লোলে সরসী-কৃপসী-কোলে,
কণু কণু মধু বোলে বাজায়ে কিঙ্কিনী !
বসাইও ফুলামনে এ দাসীবে তব মনে
তুমি নব জলধর এ তব অধিনী ! (৬)

অরে আশা আর কিরে হবি ফলবতী ?
আর কি পাইব তারে সদা প্রাণ চাহে যারে
পক্তি-হারা রতি কিলো পাবে রতি-পতি ?
মধু কহে হে কামিনি, আশা মহা মায়াবিনী !
সরীচিকা কার চূষা কবে তোষে সতি ? (৭)

৩

মনুনাতে ।

মৃগু কলরবে তুমি, ওহে শৈবলিনি,
কি কহিছ ভাল করে কহনা আমারে ।
সাগর-বিরহে যদি, প্রাণ তব কাঁদে, নদি,
ভোমার মনের কথা কহ রাধিকারে—
তুমি কি জাননা, মনি, মেও বিরহিণী ? (১)

ভপন-ভনয়া তুমি ; তেঁই কাদশিনী
পালে তোমা শৈলনাথ কাঞ্চন ভবনে ;
জন্ম তব রাজকুলে, (মৌরভ জনমে ফুলে)
রাধিকারে লজ্জা তুমি কর কি কারণে ?
তুমি কি জাননা সেও রাজার নন্দিনী ? (২)

এস, সখি, তুমি আমি বসি এ বিরলে !
দুজনের মনোস্থান জুড়াই দুজনে ;
তব কূলে কল্লোলিনি, ভ্রমি আমি একাকিনী,
অনাথা অতিথি আমি তোমার সদনে—
তিতিছে বসন মোর নয়নের জলে ! (৩)

ফেলিয়া দিয়াছি আমি যত অলঙ্কার—
রতন, মুকুতা, হীরা, সব আভরণ !
ছিঁড়িয়াছি ফুল-মালা জুড়াতে মনের স্থান,
চন্দন চর্চিত দেহে ভস্মের লেপন !
আর কি এসবে সাধ আছে গো রাধার ? (৪)

তবে যে মিন্দুর বিন্দু দেখিছ ললাটে,
সধবা বলিয়া আমি রেখেছি ইহারে !
কিন্তু অগ্নিশিখা সম, হে সখি, সীমন্তে নম
ছলিছে এ রেখা আজি—কহিনু তোমারে—
গোপিলে এ সব কথা প্রাণ যেন ফাটে ! (৫)

বসো আমি শশিনুখি, আমার আঁচলে,
কমল-আসনে যথা কামলানিধি !
ধরিয়া তোমার গলা কাঁদিলো আমি অবলা,
ক্ষণেক তুলি এ স্থান, ও হে প্রবাহিনি !
এসো গো বসি দুজনে এ বিজন স্থলে ! (৬)

কি আশ্চর্য্য ! এত করে করিনু মিনতি,
তবু কি আমার কথা শুনিলে না ধনি ?

ব্রজাঙ্গনা কাব্য ।

এ সকল দেখে শুনে, রাখার কপাল-গুণে,
তুমিও কি ঘৃণিলা গো রাখার, স্বজনি ?
এই কি উচিত তব, ওহে স্রোভস্বতি ? (৭)

হায়রে ভোগারে কেন দোষি, ভাগ্যবতি ?
ভিখারিণী রাখা এবে—তুমি রাজরাণী ।
ইরপ্রিয়া মন্দাকিনী, স্তভগে, তব সঙ্গিনী,
অর্পণ সাগর-করে ভিনি তব পানি !
সাগর-বাসরে তব তাঁর সহ গতি ! (৮)

যুতুহাসি নিশি আসি দেখা দেয় যবে,
মনোহর সাজে তুমি সাজ লো কামিনি
ভারাময় হার পরি, শশধরে শিরে ধরি,
কুম্ভম দাম কবরী, তুমি বিনোদিনী,
ক্রতগতি পতি পাশে বাও কলরবে । (৯)

হায় রে এ ব্রজে আজি কে আছে রাখার ?
কে জানে এ ব্রজজনে রাখার বাতন ?
দিবা অবসান হলে, রবি গেলে অস্তাচলে,
যদিও ঘোর তিমিরে ডোবে ত্রিভুবন,
নলিনীর যত আশা—এত জ্বালা কার ? (১০)

উচ্চ তুমি নীচ এবে আমি হে যুবতী,
কিন্তু পর দুঃখে দুঃখী না হয় যে জন,
বিফল জনন তার, অবশ্য মে ছুরাচার,
মধু কহে মিছে ধনি করিছ রোদন,
কাহার হৃদয়ে দয়া করেন বসতি । (১১)

ময়ূরী ।

ভকশাখা উপরে, শিখিনি,
কেনে নো বসিয়া তুই বিরস বদনে ?
না হেরিয়া শ্যামচাঁদে, ভোরও কি পরাণ কাঁদে,
তুইও কি ছুঃখিনী !

আহা ! কে না ভাগবাসে রাধিকারমণে ?
কার না জুড়ায় জাঁখি শশী, বিহঙ্গিনি ?

আর, পাখি, আমরা দুজনে
গলা ধরানরি করি ভাবি নো নীরবে ;
মর্যাদা নীরদে প্রাণ, তুই করেছিস্ দান—
সে কি ভোর হবে ?
আর কি পাইবে রাধা রাধিকারঞ্জনে ?
তুই ভাবু ঘনে, বনি, জাখি স্ত্রীমাববে ! (২)

কি শোভা ধরয়ে জলধর,
গভীর গরজি যবে উড়ে সে গগনে !
স্বর্ণ বর্ণ শক্র ধনু—রতনে খচিত তনু—
চুড়া শিলাপার ;
বিজলী কনক দাম পরিয়া যতনে,
মুকুণ্ডিত লতা যথা পরে তকবর ! (৩)

কিন্তু ভেবে দেখু নো কামিনি,
মম শ্যাম-কপ অল্পমম ত্রিভুবনে !
হায়, ও কপ-মাধুরী, কার মন নাহি চুরি,
করে, রে শিখিনি !

যার জাঁখি দেখিয়াছে রাধিকামোহনে,
সেই জানে কেনে রাধা কুলকলঙ্কিনী ! (৪)

ব্রজাঙ্গন, কাব্য ।

ভকশাখা উপরে, শিখিনি,
কেনে লো বসিয়া তুই বিরসবদনে ?
না হেরিয়া শ্যামচাঁদে ভোরও কি পরাণ কাঁদে,
তুইও কি দুঃখিনী ?
আহা ! কে না ভালবাসে ক্রীমধুসূদনে
মধু কহে যা কহিলে, মত্ৰ বিনোদিনী ! (৫)

পৃথিবী ।

হে বসুধে, জগৎজননি !
দয়াবতী তুমি, মতি, বিদিত ভুবনে !
যবে দশানন অরি,
বিসর্জিতা হুতাশনে জানকী সুন্দরী,
তুমি গো রাখিলা বরাননে ।
তুমি, ধনি, দ্বিধা হয়ে, বৈদেহীরে কোলে লয়ে,
জড়ালে তাহার জ্বালা বাসুকিরমণি ! (১)

হে বসুধে, রাধা বিরহিণী !
ভার প্রতি আজি তুমি বাম কি কারণে ?
শ্যামের বিরহানলে, স্তম্ভগে, অভাগা জ্বলে,
তারে যে করনা তুমি মনে ?
পুড়িছে অবলা বালা, কে সম্বরে তার জ্বালা,
হায়, একি রীতি তব, হে পাতুকানিনি ! (২)

শরীর হৃদয়ে অগ্নি জ্বলে—
কিন্তু সে কি বিরহ জনল, বসুধরে ?
তা হলে বন-শোভিনী
জীবন যৌবন তাপে হারাত তাপিনী—

বিরহ ছুকাহ ছুহে হরে !
পুড়ি আমি অভাগিনী, চেয়ে দেখনা মেদিনি,
পুড়ে যথা বনস্থলী ঘোর দাবানলে ! (৩)

আপনি তো জ্ঞান গো ধরনি,
তুমিও তো ভালবাস ঋতুকুলপতি !
তার শুভ আগমনে
হাসিয়া সাজহ তুমি নানা আভরণে—
কামে পেলো সাজে যথা রতি !
অলকে বালকে কত ফুল রত্ন শত শত !
তাহার বিরহ ছুঃখ ভেবে দেখ. ধনি ! (৪)

লোকে বলে রাধা কলঙ্কিনী !
তুমি তারে ঘৃণা কেনে কর, সীমন্তিনী ?
অনন্ত, অলধি নিধি—
এই ছুই বরে তোমা দিয়াছেন বিধি,
তবু তুমি মধুবিনাসিনী !
শ্যাম মম প্রাণ স্বামী—শ্যামে হারিয়েছি আমি,
আমার ছুঃখে কি তুমি হওনা ছুঃখিনী ? (৫)

হে মহি, এ অবোধ পরাণ
কেমনে করিব স্থির কহ গো আমারে ?
বসন্তরাজ বিহনে
কেমনে বাঁচ গো তুমি—কি ভাবিয়া মনে—
শেখাও মে সব রাধিকারে !
মধু কহে, হে সুন্দরি, থাক হে ধৈর্য ধরি,
কালে মধু বসুধারে করে মধুদান ! (৬)

(প্রতিধ্বনি ।)

কে তুমি, শ্যামেরে ডাক রাধা যথা ডাকে—
হাহাকার রবে ?
কে তুমি, কোন্ যুবতী, ডাক এ বিরলে সতি,
অনাথা রাধিকা যথা ডাকে গো মাধবে ?
অভয় হৃদয়ে তুমি কহ আসি মোরে—
কে না বাঁধা এ জগতে শ্যাম-প্রেম-ডোরে ! (১)

কুমুদিনী কায় মনঃ সঁপে শশধরে—
ভুবন মোহন !
চকোরী শশীর পাশে, আসে সদা সুধা আশে,
নিশি হাসি বিহারয়ে লয়ে সে রজন ;
এ সকলে দেখিয়া কি কোপে কুমুদিনী ?
স্বজনী উভয় ভার—চকোরী, যামিনী ! (২)

বুঝিলাম এতক্ষণে কে তুমি ডাকিছ—
আকাশ নন্দিনী !
পর্কত গহন বনে, বাস ভব বরাননে,
সদা রঙ্গ রসে তুমি রত, হে রঙ্গিণি !
নিরাকারা ভারতি, কে না জানে তোমারে ?
এসেছ কি কাঁদিতে গো লইয়া রাধারে ? (৩)

জানি আমি, হে স্বজনি, ভালবাস তুমি,
মোর শ্যামধনে !
শুনি মুরারির বাঁশী, গাইতে গো তুমি আসি,
শিখিয়া শ্যামের গীত মঞ্জু কুঞ্জ বনে !
রাধা রাধা বলি যবে ডাকিতেন হরি—
রাধা রাধা বলি তুমি ডাকিতে, হৃন্দরি ! (৪)

ব্রজাঙ্গনা কাব্য ।

যে ব্রজে শুনিতে আগে সঙ্গীতের ধ্বনি,
আকাশ সম্ভবে,
ভূতলে নন্দনবন, আছিল যে বৃন্দাবন,
সে ব্রজ পূরিছে আজি হাহাকার রবে !
কত যে কাঁদে রাধিকা কি কব, স্বজনি,
চক্রবাকী সে—এ তার বিরহ রজনী ! (৫)

এস, মথি, তুমি আমি ডাকি ছই জনে
রাধা বিনোদন ;
যদি এ দাসীর রব, কুরব ভেবে মাধব
না শুনেন, শুনিবেন তোমার বচন !
কত শত বিহঙ্গিনী ডাকে ঋতুবরে—
কোকিলা ডাকিলে তিনি আসেন সত্বরে ! (৬)
না উত্তরি মোরে, রামা, যাহা আমি বলি,
তাই তুমি বল ?
জানি পরিহাসে রত, রঙ্গিনি, তুমি সতত,
কিন্তু আজি উচিত কি তোমার এ ছল ?
মধু কহে, এই রীতি ধরে প্রতিধ্বনি,—
কাঁদ কাঁদে ; হাস, হাসে, মাধবরমণি ! (৭)

(উষা)

কনক উদয়াচলে তুমি দেখা দিলে,
হে সুর-সুন্দরি !
কুমুদ মুদয়ে আঁখি, কিন্তু সূখে গায় পার্থী,
গুঞ্জরি নিকুঞ্জে ভ্রমে ভ্রমর ভ্রমরী ;
বরসরোজিনী ধনী, তুমি হে তার স্বজনী,
নিত্য তার প্রাণনাথে আন সাথে করি ! (৮)

তুমি দেখাইলে পথ যার চক্রবাকী
যথা প্রাণপতি !

ব্রজাঙ্গনে দয়া করি, লয়ে চল যথা হরি,
পথ দেখাইয়া তারে দেহ শীঘ্রগতি !
কাঁদিয়া কাঁদিয়া আঁধা, আজি গো শ্যামের রাধা,
ঘুচাও আঁধার তার, হৈমবতি সতি ! (২)

হায়, উষা, নিশাকালে আশার স্বপনে
ছিলাম ভুলিয়া,
ভেবেছিলাম তুমি, ধনি, নাশিবে ব্রজ রজনী,
ব্রজের সরোজরবি ব্রজে প্রকাশিয়া !
ভেবেছিলাম কুঞ্জবনে পাইব পরাণ ধনে,
হেরিব কদম্বমূলে রাধা বিনোদিয়া ! (৩)

মুকুতা কুণ্ডলে তুমি সাজাও, ললনে,
কুম্ব কামিনী,
আন মন্দ সমীরণে বিহারিতে তার মনে
রাধা বিনোদনে কেন আননা, রঞ্জিণি ?
রাধার ভূষণ যিনি, কোথায় আজি গো তিনি ?
সাজাও আনিয়া তাঁরে রাধা বিরহিণী ! (৪)

ভালে তব স্বলে, দেখি, আভাময় মণি—
বিমল কিরণ ;

ফণিনী নিজ কুন্তলে পরে মণি কুতূহলে—
কিন্তু মণি-কুলরাজা ব্রজের রতন !
মধু কহে, ব্রজাঙ্গনে, এই লাগে মোর মনে—
ভূতলে অতুল মণি শ্রীমধুসূদন ! (৫)

)

কেনে এত ফুল তুলিলি, স্বজনি—
 ভরিয়া ডালা ?
 মেঘাবৃত হলে, পরে কি রজনী
 তারার মালা ?
 আর কি যতনে, কুম্বুম রতনে
 ব্রজের খালা ? (১)

আর কি পরিবে কভু ফুলহার
 ব্রজকামিনী ?
 কেনে লো হরিলি ভূষণ লতার—
 বনশোভিনী ?
 আলি বঁধু তার ; কে আছে রাধার—
 হতভাগিনী ? (২)

হায় লো দোলাবি, সখি, কার গলে
 মালা গাঁথিয়া ?
 আর কি নাচে লো তমালের তলে
 বনমালিয়া ?
 প্রেমের পিঙ্গুর ভাঙি পিকবর,—
 গেছে উড়িয়া ! (৩)

আর কি বাজে লো মনোহর বাঁশী
 নিকুঞ্জ বনে ?
 ব্রজ সুধানিধি শোভে কি লো হামি,
 ব্রজগগনে ?
 ব্রজ কুমুদিনী, এবে বিলাপিনী
 ব্রজ ভবনে ! (৪)

ব্রজাঙ্গনা কাব্য ।

হায় রে যমুনে, কেনে না ডুবিল
তোমার জলে
অদয় অক্রুর, যবে সে অছিল
ব্রজমণ্ডলে ?
ক্রুর দূত হেন, বধিলে না কেন
বলে কি ছলে ? (৫)

হরিল অধম মম প্রাণ হরি
ব্রজ রতনে !

ব্রজ বন মধু নিল ব্রজ-অরি,
দলি ব্রজবনে !
মধু ভণে, পাবে, ব্রজাঙ্গনে,
মধুসূদনে ! (৬)

(মলয় মাকত)

শুনেছি মলয় গিরি তোমার আশয়—
মলয় পবন !

বিহঙ্গিনীগণ তথা গাহে বিদ্যাধরী যথা
সঙ্গীত সুধায় পূরে নন্দন কাননে ;
কুমুমকুলকামিনী, কোমলা কমলা জিনি
সেবে তোমা, রতি যথা সেবেন মদনে ! (১)

হায়, কেনে ব্রজে আজি ভ্রমিছ হে তুমি—
মন্দ সমীরণ ?

যাও সরসীর কোলে, দোলাও যুঁহু হিল্লোলে
সুপ্রফুল্ল নলিনীরে—প্রেমানন্দ মন !
ব্রজ-প্রভাকর যিনি, ব্রজ আজি ত্যজি তিনি,
বিরাজেন অস্তাচলে—নন্দের নন্দন ! (২)

সৌরভ রতন দানে তুষিবে তোমারে
আদরে নলিনী ;

ভব তুল্য উপহার কি আজি আছে রাধার ?
নয়ন আসারে, দেব, ভাসে সে ছুঃখিনী !
যাও যথা পিকবধু—বরিষে সঙ্গীত মধু—
এ নিকুঞ্জে কাঁদে আজি রাধা বিরহিনী ! (৩)

তবে যদি, স্মৃতগ, এ অভাগীর ছুঃখে
ছুঃখী তুমি মনে,

যাও আশু, আশুগতি, যথা ব্রজকুলপতি—
যাও যথা পাবে, দেব, ব্রজের রতনে !
রাধার রোদিন ধ্বনি বহ যথা শ্যামমণি—
কহ তাঁরে মরে রাধা শ্যামের বিহনে ! (৪)

যাও চলি, মহাবলি, যথা বনমালী—
রাধিকা-বাসন ;

ভুঙ্গ শৃঙ্গ ছুঃখমতি, রোধে যদি ভব গতি,
মোর অনুরোধে তারে ভেঙো, প্রভঞ্জন,
ভকরাজ যুদ্ধ আশে, তোমারে যদি সস্তাষে—
বজ্রাঘাতে যেয়ো তার করিয়া দলন ! (৫)

দেখি তোমা পিরীতের ফাঁদ পাতে যদি
নদী কপবতী ;

মজোনা বিভ্রমে তার, তুমি হে দূত রাধার,
হেরো না, হেরো না দেব কুমুম যুবতী !
কিনিতে তোমার মন, দেবে সে সৌরভ ধন
অবহেলি সে ছলনা, যেয়ো আশুগতি ! (৬)

শিশিরের নীরে ভাবি অশ্রুবারিধারা,
ভুলো না পবন !

কোকিলা শাখা উপরে, ডাকে যদি পঞ্চস্বরে,
মোর কিরে শীঘ্র করে ছেড়ে সে কানন !

স্মরি রাধিকার দুঃখ, হইও স্মখে বিমুখ—
মহৎ যে পরদুঃখে দুঃখী সে সৃজন ! (৭)

উত্তরিবে যবে যথা রাধিকারমণ,

মোর দূত হয়ে,

কহিও গোকুল কাঁদে হারাইয়া শ্যাম চাঁদে—

রাধার রোদন ধ্বনি দিও তাঁরে লয়ে ;

আর কথা আমি নারী শরমে কহিতে নারি,

মধু কহে, ব্রজাঙ্গনে, আমি দিব করে ! (৮)

১০

(বংশাধ্বান)

কে ও বাজাইছে বাঁশী, স্বজনি,

মৃদু মৃদু স্বরে নিকুঞ্জ বনে ?

নিবার উহারে ; শুনি ও ধ্বনি

দ্বিগুণ আগুন জ্বলে লো মনে !—

এ আগুনে কেনে আহুতি দান ?

জমনি নারে কি জ্বালাতে প্রাণ ? (১)

বসন্ত অন্তে কি কোকিলা গায়

পল্লব-বসনা শাখা সদনে ?

নীরবে নিবিড় নীড়ে সে যায়—

বাঁশী ধ্বনি আজি নিকুঞ্জ বনে ?

হায়, ও কি আর গীত গাইছে ?

না হেরি শ্যামে ও বাঁশী কাঁদিয়ে ? (২)

শুনিয়াছি, মহি, ইন্দ্র কথিয়া,

গিরিকুল পাখা কাটিলে যবে,

মাগরে অনেক নগ পশিয়া

রহিল ডুবিয়া—জলধিতবে ।
সে শৈল সকল শির্ উচ্চ করি
নাশে এবে সিন্ধুগামিনী ভরী । (৩)

কে জানে কেমনে প্রেমমাগরে
বিচ্ছেদ পাহাড় পশিল আমি ?
কার প্রেমভরী নাশ না করে—
ব্যাধ যেন পাখী পাতিয়া ফাঁশি—
কার প্রেমভরী মগনে না জলে
বিচ্ছেদ পাহাড়—বলে কি ছলে ! (৪)

হায় লো মখি, কি হবে স্মরিলে
গত সুখ ? তারে পাব কি আর ?
বাসি ফুলে কি মৌরভ মিলে ?
ভুলিলে ভাল যা—স্মরণ তার ?
মধুরাজে ভেবে নিদাঘ জানা,
মধু কহে, সহ, ব্রজের বালা ! (৫)

১১

(গোধূলি ।)

কোথারে রাখাল চূড়ামণি ?
গোকুলের গাভীকুল, দেখ, মখি, শোকাকুল,
না শুনে সে মুরলীর ধ্বনি !
ধীরে ধীরে গোষ্ঠে সবে পশিছে নীরব,—
আইল গোধূলি, কোথা রহিল মাধব ! (১)

আইল লো ভিমির যামিনী ;
ভক ডালে চক্রবাকী ঝমিয়া কঁাদে একাকী—
কঁাদে যথা রাধা বিরহিণী !

কিন্তু নিশা অবসানে হাসিবে সুন্দরী : -
আর কি পোহাবে কভু মোর বিভাবরী ? (২)

ওই দেখ উদ্বিছে গগনে—
জগত-জন-রঞ্জন—সুধাংশু রজনীধন,
প্রমদা কুমুদী হাসে প্রফুল্লিত মনে ;
কলঙ্কী শশাঙ্ক, সখি, তোষে লো নয়ন—
ব্রজ নিফলক্ক শশী চুরি করে মন । (৩)

হে শিশির, নিশার আসার !
তিতিও না ফুলদলে ব্রজে আজি তব জলে,
বৃথা ব্যয় উচিত গো হয় না তোমার ;
স্বাধার নয়ন-বারি বারি অবিরল
ভিজাইবে আজি ব্রজে—যত ফুল দল ! (৪)

চন্দনে চর্চিয়া কলেবর,
পরি নানা ফুল মাজ, লাজের মাথায় বাজ ;
মজায় কামিনী এবে রমিক নাগর ;
তুমি বিনা, হে বিরহ, বিকট শূরতি,
কারে আজি ব্রজাঙ্গনা দিবে প্রেমারতি ? (৫)

হে মন্দ মলয় সমীরণ,
সৌরভ ব্যাপারী তুমি, ত্যজ আজি ব্রজ ভূমি—
অগ্নি যথা জ্বলে তথা কি করে চন্দন ?
যাও হে, মোদিত কুবলয় পরিমলে,
জুড়াও সুরতক্লাস্ত সীমন্তিনী দলে ! (৬)

যাও চলি, বায়ু কুলপতি,
কোকিলার পঞ্চস্বর বহু তুমি নিরন্তর—
ব্রজে আজি কাঁদে যত ব্রজের যুবতী !
মধু ভণে, ব্রজাঙ্গনে, করোনা রোদিন,
পাবে ঝঁধু—অলীকারে শ্রীমধুসূদন ! (৭)

(গোবর্দ্ধন গিরি ।)

নামি আমি, শৈলরাজ, তোমার চরণে—
রাধা এ দাসীর নাম—গোকুল গোপিনী ;
কেনে যে এসেছি আমি তোমার মননে—
শরমে মরম কথা কহিব কেমনে,
আমি, দেব, কুলের কামিনী !
কিন্তু দিবা অবসানে, হেরি তারে কে না জানে,
নলিনী নলিনী ধনী কাহার বিহনে—
কাহার বিরহানল তাপে তাপিত সে ময়ঃ
স্বশোভিনী ? (১)

হে গিরি, যে বংশীধর ব্রজ-দিবাকর,
তাজি আজি ব্রজধাম গিয়াছেন তিনি ;
নলিনী নহে গো দাসী রূপে, শৈলেশ্বর,
ভবুও নলিনী বধা ভজে প্রভাকর,
ভজে শ্যামে রাধা অভাগিনী !
হারায়ে এ হেন ধনে, অধীর হইয়া মনে,
এসেছি তব চরণে কাঁদিতে, ভূপর,
কোথা মম শ্যাম গুণমণি ? মণিহারী
আমি গো কামিনী ! (২)

রাজা তুমি ; বনরাজী ব্রততী ভূষিত,
শোভে কিরীটের রূপে তব শিরোপরে ;
কুম্বুম রতনে তব বসন খচিত ;
স্বমন্দ প্রবাহ—যেন রজতে রজিত—
তোমার উত্তরী রূপ ধরে ;
করে তব তরুবলী, রাজদণ্ড, মহাবলি,
দেহ তব ফুলরজে সদা ধূষরিত ;—

ব্রজাঙ্গনা কাব্য ।

অসীম মহিমাধর তুমি, কে না তোমার পূজে
চরাচরে ? (৩)

বরাঙ্গনা কুরাঙ্গিণী তোমার কিক্করী ;
বিহঙ্গিনী দল তব মধুর গায়না,
মৃত বননারী তোমা সেনে, হে শিখরি,
সভত তোমাতে রত বনুধা সুন্দরী—
তব প্রেমে বাঁধা গো মেদিনী !
দিবা ভাগে দিবাকর তব, দেব, ছত্রধর ;
নিশাভাগে দামী তব স্তভারা শর্করী !
তোমার আশ্রয় চায় আজি রাধা, শ্যাম
প্রেম ভিখারিণী ! (৪)

যবে দেবকুলপতি কষি, মহীধর,
বরষিলা ব্রজধামে প্রলয়ের বারি,—
যবে শত শত ভীম মূর্তি মেঘবর
গরজি গ্রাসিল আসি দেব দিবাকর,
বারণে যেমনি বারণারি,—
ছত্র সম তোমা ধরি রাখিলা যে ব্রজে হরি,
সে ব্রজ কি ভুলিলা গো আজি ব্রজেশ্বর ?
রাধার নয়ন জলে এবে ডোবে ব্রজ ! কোথা
বংশীধারী ? (৫)

হে ধীর, শরম হীন ভেবো না রাধারে—
অসহ যাতনা দেব, সহিব কেমনে ?
ভুবি আমি কুলবালী অকুল পাথারে,
কি করে নীরবে রবো শিখাও আমারে—
এ মিনতি তোমার চরণে ।
কুলবতী যে রমণী, লজ্জা তার শিরোমণি
কিন্তু এবে এ মনঃ কি বুঝিতে তা পারে

অধু কহে লাজে হানি বাজ, ভজ, বামা,
শ্রীমধুসূদনে ! (৬)

১৩

(সারিকা ।)

শুই যে পাখীটী, সখি, দেখিছ পিঞ্জরে রে,
সতত চঞ্চল,—

কভু কাঁদে, কভু গায়, যেন পাগলিনী প্রায়,
জলে যথা জ্যোতি বিশ্ব—তেমতি তরল !
কি ভাবে ভাবিনী যদি বুঝিতে, স্বজনি,
পিঞ্জর ভাঙিয়া ওরে ছাড়িতে অমনি ! (১)

নিজে যে দুঃখিনী, পরোদুঃখ বুঝে সেই রে,
কহিনু তোমারে ;—

আজি ও পাখীর মনঃ বুঝি আমি বিনক্ষণ—
আমিও বন্দী লো আজি ব্রজ-কারাগারে !
সারিকা অধীর ভাবি কুসুম কাননে,
রাধিকা অধীর ভাবি রাধা বিনোদনে । (২)

বনবিহারিণী ধনী বসন্তের সখী রে—
শুকের সখিনী !

বলে ছলে ধরে ভারে, বাঁধিয়াছ কারাগারে—
কেমনে ধৈরজ ধরি রবে সে কামিনী ?
সারিকার দশা, সখি, ভাবিয়া অন্তরে,
রাধিকারে বেঁধোনা লো সংসার-পিঞ্জরে ! (৩)

ছাড়ি দেহ বিহগীরে মোর অনুরোধে রে—
হইয়া সদয় ।

ছাড়ি দেহ যাক্ চলি হাসে যথা বনস্থলী—
শুকে দেখি সুখে ওর জুড়াবে হৃদয় !

সারিকার ব্যথা সারি, ওলো দয়াবডি,
রাধিকার বেড়ি ভাঙ—এ মম মিনতি । (৪)

এছার সংসার আজি আঁধার, স্বজনি রে—
রাধার নয়নে !

কেনে তবে মিছে ভারে রাখ তুমি এ আঁধারে—
সফরী কি ধরে প্রাণ বারির বিহনে ?
দেহ ছাড়ি, যাই চলি যথা বনমালী ;
লাগুক কুলের মুখে কলঙ্কের কালী ! (৫)

ভাল যে বাসে, স্বজনি, কি কাজ তাহার রে
কুল মান ধনে ?

শ্রামপ্রেমে উদাসিনী রাধিকা শ্রাম-অধীনী—
কি কাজ তাহার আজি রত্ন আভরণে ?
মধু কহে কুলে ভুলি কর নো গমন—
শ্রীমধুসূদন, ধনি, রমের সদন ! (৬)

১৪

(কৃষ্ণচূড়া ।)

এই যে কুসুম শিরোপরে, পরেছি যতনে,
মম শ্রাম-চূড়া-রূপ ধরে এফুল রতনে !
বসুধা নিজ কুন্তলে পরেছিল কুতূহলে
এ উজ্জ্বল মণি,

রাগে ভারে গালি দিয়া, লয়েছি আমি কাড়িয়া—
মোর কৃষ্ণ-চূড়া কেনে পরিবে ধরণী ? (১)

এই যে কম মুকুতাফল, এ ফুলের দলে—
লো মথি, এ মোর আঁখিজল, শিশিরের ছলে
লয়ে কৃষ্ণচূড়ামণি, কাঁদিবু আমি, স্বজনি,
বসি একাকিনী,

ভিত্তিহু নয়ন জলে, সেই জল এই দলে
গলে পড়ে শোভিতেছে, দেখু লো কামিনি ! (২)

পাইয়া কুমুম রতন—শোন্ লো যুবতি,
প্রাণহরি করিহু স্বরণ—স্বপনে যেমতি !
দেখিহু রূপের রাশি, মধুর অধরে বাঁশী,
কদমের তলে,
পীত ধড়া স্বর্ণ রেখা, নিকষে যেন লো লেখা,
কুঞ্জ শোভা বরগুঞ্জমালা দোলে গলে ? (৩)

মাধবের রূপের মাধুরি, অতুল ভুবনে—
কার মনঃ নাহি করে চুরি, কহ, লো, ললনে ?
যে ধন রাখায় দিয়া, রাখার মনঃ কিনিয়া
লয়েছিল হরি,
সে ধন কি শ্যামরায়, কেড়ে নিলা পুনরায় ?
মধু কহে তাও কভু হয় কি, সুন্দরি ? (৪)

১৫

(নিকুঞ্জবনে ।)

যমুনা পুলিনে আমি ভ্রমি একাকিনী,
হে নিকুঞ্জবন,
না পাইয়া ব্রজেশ্বরে, আইহু হেথা সত্বরে,
হে সখে, দেখাও মোরে ব্রজের রঞ্জন !
সুধাংশু সুধার হেতু, বাঁধিয়া আশার সেতু,
কুমুদীর মনঃ যথা উঠে গো গগনে,
হেরিতে মুরলীধর—রূপে যিনি শশধর—
আসিয়াছি আমি দাসী তোমার সদনে—
তুমি হে অম্বর, কুঞ্জধর, তব চাঁদ নন্দের নন্দন ! (১)

তুমি জান কত ভালবাসি শ্যামধনে
আমি অভাগিনী ;

তুমি জান, সুভাজন, হে কুঞ্জকুল রাজন,
এ দাসীরে কত ভালবাসিতেন তিনি !
ভোমার কুসুমালয়ে, যবে গো-অতিথি হয়ে,
বাজায়ে বাঁশরী ব্রজ মোহিত মোহন,
তুমি জান কোন ধনী শুনি সে মধুর ধ্বনি,
অমনি আসি সেবিত ও রাগা চরণ,
যথা শুনি জলদ নিনাদ ধার রড়ে প্রমদা শিখিনী । (২)

সে কালে—জ্বলে রে মনঃ স্মরিলে সে কথা,

মঞ্জু কুঞ্জবন,—

ছায়া ভব সহচরী সোহাগে বসাতো ধরি
মাধবে অধিনী সহ পাতি ফুলাসন ;
মুঞ্জরিত তরুবলী, গুঞ্জরিত যত অলি,
কুসুম-কামিনী তুলি ঘোমটা অমনি,
মলয়ে সৌরভধন বিতরিত অনুক্ষণ,
দাতা যথা রাজেন্দ্রনন্দিনী—গন্ধামোদে
মোদিয়া কানন ! (৩)

পঞ্চস্বরে কত যে গাইত পিকবর

মদন কীর্তন,—

হেরি মম শ্যাম-ধন ভাবি ভারে নবধন,
কত যে নাচিত স্মখে শিখিনী, কানন,—
ভুলিতে কি পারি তাহা, দেখেছি শুনেছি যাহা
রয়েছে সে সব লেখা রাধিকার মনে ।
নলিনী ভুলিবে যবে রবি দেবে, রাধা তবে
ভুলিবে, হে মঞ্জু কুঞ্জ, ব্রজের, রঞ্জনে ।
হায়রে, কে জানে যদি ভুলি যবে আসি
প্রাণিবে শমন । (৪)

কহ, সখে, জান যদি কোথা গুণমণি—

রাধিকা রমণ ?

কাম বঁধু যথা মধু তুমি হে শ্যামের বঁধু,
একাকী আজি গো তুমি কিসের কারণ,—

হে বসন্ত, কোথা আজি তোমার মদন ?
ভব পদে বিনাপিনী কাঁদি আমি অভাগিনী,

কোথা মন শ্যামমণি—কহ কুঞ্জবর !

তোমার হৃদয়ে দয়া, পদে যথা পদ্মালয়া,

বন্দো না রাবার প্রাণ না দিয়ে উত্তর !

মধু কহে গুণ ব্রজাঙ্গনে, মধুপুরে শ্রীমধুসূদন ! (৫)

১৬

(লখী)

কি কহিলি কহ, মই, গুনিলো ভাবার—মধুর
বচন !

মহনা হইলু কালি ; জুড়া এ প্রাণের জ্বালা,
আর কি এ পোড়া প্রাণ পাবে সে রতন ?

হ্যাদে ভোর পায় ধরি, কহ না লো সত্য করি,
আসিবে কি ব্রজে পুনঃ রাধিকারমণ ? (১)

কহ, সখি, ফুটিবে কি এ মকভূমিতে কুম্বুম
কানন ?

জলহীনা শ্রোত্রস্বভী, হবে কি লো জলবতী,
পয়ঃ মহ পয়োদে কি বাহিবে পবন ?

হ্যাদে ভোর পায় ধরি, কহ না লো সত্য করি,
আসিবে কি ব্রজে পুনঃ রাধিকারমণ ? (২)

হায় লো ময়েছি কত, শ্যামের বিহনে—কতই
যাতনা ।

যে জন অন্তরযাগী সেই জানে আর আমি,
কত যে কেঁদেছি তার কে করে বর্ণন ?

হ্যাদে ভোর পায় ধরি, कह না লো সত্য করি,
আসিবে কি ব্রজে পুনঃ রাধিকামোহন । (৩)

কোথা রে গোকুলইন্দ্ৰ, বৃন্দাবন-সর—কুমুদ-
বাসন !

বিষাদ নিশ্বাস বায়, ব্রজ, নাথ, উড়ে যায়
কে রাখিবে, তব রাজ, ব্রজের রাজন !

হ্যাদে ভোর পায় ধরি, कह না লো সত্য করি,
আসিবে কি ব্রজে পুনঃ রাধিকাতুষণ ! (৪)

শিখিনী ধরি, স্বজনি, গ্রামে মহাফণী—বিষের
সদন !

বিরহ বিষের তাপে শিখিনী আপনি কাঁপে,
কুলবালা এ জ্বালায় ধরে কি জীবন !

হ্যাদে ভোর পায় ধরি, कह না লো সত্য করি,
আসিবে কি ব্রজে পুনঃ রাধিকারতন ! (৫)

এই দেখু কুলমালা গাঁথিয়াছি আমি—চিকণ
গাঁথন !

দোলহিব শ্যামগলে, বাঁধিব বাঁধুরে ছলে—
শ্রোম-ফুল-ডোরে তাঁরে করিব বন্ধন !

হ্যাদে ভোর পায় ধরি, कह না লো সত্য করি,
আসিবে কি ব্রজে পুনঃ রাধাবিনোদন । (৬)

কি कहিলি कह, সেই, শুনি লো আবার—মধুর
বচন ।

সহসা হইলু কালা, জুড়া এ প্রাণের ছালা,
কার কি এ গোড়া প্রাণ পাবে রে রতন !

মধু—যার মধুধ্বনি—কহে কেন কাঁদ, ধনি,
ভুলিতে কি পারে তোমা শ্রীমধুসূদন ? (৭)

১৭

(বসন্তে)

ফুটিল বকুলফুল কেন লো গোকুলে আজি,
কহ তা, স্বজনি ?

আইলা কি ঋতুরাজ ? ধরিল কি ফুলসাজ,
বিলাসে ধরণী ?

মুছিয়া নয়ন জল, চল লো সকলে চল,

শুনিব তমাল ভলে বেণুর সুরব ; —

আইল বসন্ত যদি, আসিবে মাধব ! (১)

যে কালে ফুটে লো ফুল, কোকিল কুহরে, মই
কুম্ভকাননে,

সুঞ্জরয়ে তরুবলী, গুঞ্জরয়ে সুখে অলি,

প্রেমানন্দ মনে,

সে কালে কি বিনোদিয়া, প্রেমে জলাঞ্জলি দিয়া,

ভুলিতে পারেন, সখি, গোকুলভবন ?

চল লো নিকুঞ্জবনে পাইব সে ধন ! (২)

স্বন, স্বন, স্বনে, শুন, বহিছে পবন, মই,
গহন কাননে,

হেরি শ্যামে পাই প্রীত, গাইছে মঙ্গলগীত,

বিহঙ্গমগণে ।

কুবলয় পরিমল, নহে এ ; স্বজনি, চল,—

ও সুগন্ধ দেহগন্ধ বহিছে পবন !

হায় লো, শ্যামের বপুঃ সৌরভমদন ! (৩)

উচ্চ বীচি রবে, শুন ডাকিছে যমুনা ওই
রাবার, স্বজনি ;

কল কল কল কলে, স্তবরঙ্গ দল চলে
যথা গুণমণি ।

সুধাকর কররাশি, সম লো শ্যামের হাসি,
শোভিছে তরল জলে ; চল, ত্বর করি—
ভুলিগে বিরহ জ্বালা হেরি প্রাণহরি ! (৩)

ভ্রমর গুঞ্জরে যথা ; গায় পিকবর, নই,
সুমধুর বোলে ;

সরমরে পাতাদল ; মূহুরবে যহে জল
মলয় হিল্লোলে ;—

কুমুম-যুবতী হাসে, মোদি দশ দিশ বাসে,—
কি সুখ লাভিব, লখি, দেখ ভাবি মনে,
পাই যদি হেন স্থলে গোকুলরতনে ? (৫)

কেন এ বিলম্ব আজি, কহ ওলো সহচরি,
করি এ মিনতি ?

কেন অধোমুখে কাঁদি, আবারি বদনচাঁদি,
কহ, কপবতি ?

সদা মোর মুখে সুখী, তুমি ওলো বিধুমুখি,
আজি লো এ রীতি তব কিসের কারণে ?
কে বিলম্ব হেন কালে ? চল কুঞ্জবনে ! (৬)

কাঁদিব লো সহচরি, ধরি মে কমলপদ,
চল, ত্বর করি,

দোঁখিব, কি মিষ্ট হাসে, শুনিব কি মিষ্ট ভাষে,
তোষেন ক্রীহরি ।

ফুংথিনী দাসীরে ; চল, হইলু লো হতবল,
ধীরে ধীরে ধরি মোরে, চল লো স্বজনি ;—
সুখে মধুশূন্য কুঞ্জে কি কাজ, রমণি ? (৭)

১৮

(বসন্তে)

সখিরে,—

বন অতি রমিত হইল ফুল ফুটনে !

পিককুল কলকল, চঞ্চল অলিদল,

উছলে সুরবে জল, চল লো বনে !

চল লো, জুড়ায় আঁখি দেখি ব্রজরমণে ! (১)

সখিরে,—

উদয় অচলে উষা, দেখ, আসি হামিছে !

এ বিরহ বিভাবরী কাটানু ধৈরজ ধরি,

এবে লো রব কি করি ? প্রাণ কাঁদিছে !

চল লো নিকুঞ্জে যথা কুঞ্জমণি নাচিছে ! (২)

সখিরে—

পূজে ঋতুরাজে আজি ফুলজালে ধরণী !

ধূপকপে পরিমল, আমোদিছে বনস্থল,

বিহঙ্গমকুলকল, মঙ্গল ধনি !

চল লো, নিকুঞ্জে পূজি শ্যামরাজে, স্বজনি ! (৩)

সখিরে,—

পাদ্য কপে অঙ্কধারা দিয়া ধোব চরণে !

তুই কর কোকনদে, পূজিব রাজীব পদে ;

শ্রামে ধূপ, লো প্রমদে, ভাবিয়া মনে ;

কঙ্কণ কিঙ্কিনী পানি বাজিবে লো মনোমণি ! (৪)

সখিরে,—

এ যৌবন ধন, দিব উপহার রমণে !

ভালে বে সিন্দূর বিন্দু, হইবে চন্দনবিন্দু ;—

দেখিব লো দশ ইন্দু সুনখগণে !

চিরপ্রেম বর মাগি লব, তুলো ললনে ! (৫)

সখিরে,—

বন অতি রমিত হইল ফুল ফুটনে !

পিককুল কলকল, চঞ্চন অলিদল,

উছলে সুরবে জল, চল লো বনে !

চল লো জুড়াব আঁখি দেখি—মধুসূদনে ! (৬)

ইতি শ্রীব্রজাঙ্গনা কাব্যে বিরহো নাম

প্রথমঃ সর্গঃ ।

*Bancy Madhub Dey & Co. 285, Upper Chitpore
Road, Calcutta.*

